

ՎԵՆԵՏԻԱՆ ՏԱՐԵԳՐՈՒԹՅՈՒՆՆԵՐ

XV—XVII դդ. լեհահայ զաղութներում ստեղծված հայատառ զփշաղերեն նյութերի մեջ առանձնահատուկ տեղ են զբաղում տարեգրությունները: Դրանցից ամենածավալունն ու արժեքավորը «Կամենիցյան տարեգրությունն» է, որը հրատարակել է Ղ. Ալիշանը նախ «Բաղդադ» (թերթ)՝, ապա՝ մեկ տարի անց, 1896 թ.¹ «Կամենիցյա ժողովածուում»², նույն ժողովածուի հավելվածների բաժնում ղեկավարված է մեկ այլ տարեգրություն, որի լրիվ վերնագիրն է՝ «Քրոյնիկ վեկեցիանընկ հիմ օղկա իշլար» («Վենետիկյան տարեգրությունը և այլ բաներ»): Այս տարեգրությունը զարդ հայտնաբերված հայատառ զփշաղերեն վավերագրերից ամենահինն է: Նրա անհայտ հեղինակը կամ հեղինակներն այն սկսել են շարադրել 1492 թ. և հասցրել մինչև 1536 թ.: «Վենետիկյան տարեգրության» ուսումնասիրման փորձ է կատարել ֆրանսիացի թուրքագետ Ժ. Դրենն³, որն այն համարել է «Կամենիցյան տարեգրության» հավելում:

Տարեգրության «Վենետիկյան» անվանումը պայմանական պետք է համարել: Ժ. Դրենն⁴ և Տ. Գրունին⁵ գտնում են, որ «Վենետիկյան տարեգրությունը» գրված է մեղ լեզուով՝ Վենետիկյան տարեգրության հիման վրա: Բացառված չէ, որ սա հենց «Վենետիկյան տարեգրությունն» է, գրված լիովնում, քանի որ այս քաղաքը «Տարեգրությունում» հիշատակվում է նույնքան հաճախ, որքան Կամենիցը՝ «Կամենիցյան տարեգրությունում»: Իսկ «Վենետիկյան» է այն կոչվում, հավանաբար, Վենետիկում պահվելու պատճառով: «Տարեգրության» լիովնում գրված լինելու օգտին է խոսում նաև այն փաստը, որ հաճախ կրկնվում են «եկավ լիով» կամ «եկան լիով» արտահայտությունները:

Տարեգրության ձեռագրերից մեկը, ինչպես նշեցինք, պահվում է Վենետիկում՝ Մխիթարյանների մատենադարանում: Դրանից է օգտվել Ղ. Ալիշանը՝ իր հրատարակությունն իրագործելիս: Բացի այդ, մենք նկատում ենք, որ ունեցանք մանրամասն վերնագրերի օգնությամբ ծանոթանալու նաև Փարիզի ազգային գրադարանում պահվող հայատառ զփշաղերեն № 194 ձեռագրին, որի 60ա—67ա էջերում ղեկավարված է նախորդից համարյա ոչնչով շտարբերվող «Վենետիկյան տարեգրության» մյուս օրինակը:

Ժ. Դրենն հիմնականում թարգմանել և հրատարակել է խնդրո առարկա տարեգրության այն նյութերը, որոնք վերաբերում են լիովի հայկական զաղութի կյանքին: Մինչդեռ «Տարեգրությունն» արժեքավոր է նրանով, որ այնտեղ նյութեր կան նաև լեհաստանի, Մոլդավիայի և Թուրքիայի պատմությունն ուսումնասիրողների համար: «Տարեգրությունում» հիշատակվող որոշ զեպեր մեղ ծանոթ են այլ աղբյուրներից: Նրա սկզբի մասը՝ մինչև Վենետիկի հիմնադրման մասին հիշատակությունը, պատմական արժեք չի ներկայացնում, ուստի ավելորդ են համարել ծանոթադրել:

«Վենետիկյան տարեգրությունը» հայատառ զփշաղերենի կարևոր սկզբնաղբյուր է, որը սակայն, մինչև այժմ պատշաճ ձևով ուսումնասիրված չէ: Փաստորեն այն անմատչելի է եղել հայադեղտների համար: Դիտական հասարակայնությանը «Վենետիկյան տարեգրության» հետ ծանոթացնելու նպատակով փորձել ենք թարգմանել այդ սկզբնաղբյուրը՝ հայերեն՝ նրան կցելով համապատասխան ծանոթագրություններ: Կատարվել է շվեդ և նաև բառերն ու նախադասությունները, որոնք անհասկանալիության պատճառով չեն թարգմանվել:

ԱՐԱՐ ԳՐԻԳՈՐՅԱՆ

¹ «Տարեգրության հայոց իշխանաց և օլախաց երկրի» («Բաղդադ» թերթ, Վենետիկ, 1895, էջ 529—534):

² Ղ. Ալիշան, Կամենիցյա Տարեգրության հայոց լեհաստանի և Ռումինիո հավաստյա հավելվածով, Վենետիկ, 1896, էջ 115—121:

³ J. Deny, L'arméno-coman et les «Ephemerides de Kamieniec (1604—1613)», Wiesbaden, 1957, p. 25.

⁴ Նույն տեղում:

⁵ Т. Н. Грушин, Документы на половецком языке XVII в., М., 1967, с. 109.

ՎԵՆԵՏԻԿՅԱՆ ՏԱՐԵԴՐՈՒԹՅՈՒՆՆԵՐ ԵՎ ԱՅԼ ԲԱՆԵՐ

Քրիստոսի ծննդից դեռևս 430 տարի առաջ թագավորները կառավարում էին Հոռմը: Ամենից առաջին կեսարը Հուլիոսն էր, նրանից հետո՝ 27 թ. Օգոստոսը դարձավ կեսար, որի կառավարման ժամանակ էլ ծնվեց աստված Քրիստոսը սուրբ Աստվածածնից. կառավարել է 52 տարի:

Քրիստոսի ծնվելուց առաջ Օգոստոս կեսարը կառավարեց 52 տարի, Հերովդես Մեծի թագավորությունը սկսեց 32 տարի, սրանից Հրեաստանի թագավորությունը ժառանգեց Աբգար թագավորը, որը թագավորեց 1 տարի, նիկեյան ժողովրդի տեղի ունեցավ 322 թ.:

Ստամբուլի ժողովը՝ 73 թ.:

Հեփեսոսի ժողովը՝ 50 թ.:

Քաղկեդոնի ժողովը՝ 47 թ.:

Ֆրանկները հիմնադրեցին Վենետիկը Քրիստոսի ծննդից հետո 464 թ.:

Քրիստոնյաները սարակինոսներից խլեցին Հոռոսը և պահեցին մինչև թուրքերի կողմից [նրա] գրավումը սուլթան Սուլեյմանի ժամանակ, 314 տարի հետո: Քրիստոսի ծննդից հետո 984 թ. սուրբ Վոյցեխը՝ հունգարների մոտ քրիստոնեություն տարածեց:

997 թ. ս. Վոյցեխը քրիստոնեություն տարածեց լեհերի մեջ:

1290 թ. մահացավ հայոց լեոն թագավորը²:

1361 թ. լվովում կառուցվեց ս. Աստվածածին եկեղեցին:

1367 թ. հայկական վերջին թագավորը՝ Կոստանդին անունով, մահացավ և արդեն ոչ մի հայ թագավոր չեղավ:

Այն ժամանակվանից ի վեր, երբ պատվարժան տեր Գրիգորը եպիսկոպոսական աթոռին նստեց և դա եղավ՝ Քրիստոսի ծննդից ի վեր 1367 թ.:

Քրիստոսից հետո 1384 թ. Կաղիմիր Մեծ թագավորը սրով գրավեց իշխան Լևի⁴ կողմից ղեկավարվող ռուսական էրկիրը: Չորեքշաբթի օրն էր, ս. Իսարթուղիմեոսի տոնից հետո:

Քրիստոսից հետո 1410 թ. Յագայլոյի զորքը մարտ տվեց պրուսացիներին Մարբորգի մոտ:

1444 թ. հունգարների Վլադիսլավ թագավորը Վառնայի մոտ պարտություն կրեց Մուրադի կողմից ղեկավարվող թուրքերից⁶:

1447 թ. Կաղիմիրը դարձավ թագավոր⁷:

1453 թ. թուրքերը գրավեցին Ստամբուլը:

Քրիստոսից հետո 1454 թ. Կաղիմիր թագավորի զորքը հունիցայի մոտ մարտնչեց պրուսացիների դեմ:

1459 թ. տեր Ավետիսը եպիսկոպոս կարգվեց նրանից (տեր Գրիգորից) հետո, մեր (այսինքն՝ հայկական) թվարկության 917 թվականին (1459):

1463 թ. եպիսկոպոս կարգվեց տեր Խաչատուրը (հայկական թվարկության 912 թ.):

1465 թ. Ստեֆանը⁹ հունգարներից խլեց Կիլիան¹⁰:

1467 թ. ծնվեց Սիգիզմունդ Մեծ թագավորը¹¹:

1472 թ. առաջին անգամ բացվել է լվովի տոնավաճառը, Կար երկու տոնավաճառ. մեկը՝ սուրբ Երրորդության օրը, երկրորդը՝ սուրբ Ագնեշկայի օրը: Առաջինը՝ ս. Երրորդության օրը, շարունակվեց, իսկ երկրորդը արվեց 1530 թ. յուլիսի 13-ին՝ [որպես] սուրբ Մարկոյի [տոնավաճառ]:

- 1475 թ. հունվարի 10-ին Ստեֆանը ջախջախեց թուրքերին¹²։
- 1475 թ. հունիսի 20-ին թուրքերը գրավեցին Կաֆան, [Դա եղավ] սուլթան Մեհմեդի¹³ ժամանակ։
- 1481 թ. վախճանվեց սուլթան Մեհմեդը։
- 1484 թ. սուլթան Բայազիդը¹⁴ գրավեց Կիլիկիան և Ակքերմանը¹⁵։
- 1485 թ. Ստեֆանը Կազիմիր թագավորին վերադարձրեց Կոլումիան¹⁶։
- 1491 թ. հունվարին պան նիկոլայ Գալիցկին թաթարներին հաղթեց. սաստիկ ձմեռ էր. հունվար։
- 1492 թ. վախճանվեց Կազիմիր թագավորը և թագավոր դարձավ Օլբրեխտը¹⁷։
- 1492 թ. հուլիսին ջրերը բարձրացան, շատ լճակներ գոյացան և [զա]բերքին վնասեց։
- 1494 թ. իշխան Ալեքսանդրի¹⁸ ժամանակ հրեաները Լիտվայի իշխանության սահմաններից դուրս վտնդվեցին։ Դա 1494 թ. մարտի 25-ին էր։
- 1494 թ. Լվովում հրդեհ եղավ [սուրբ] Աբասի օրը¹⁹ և մեծ վնասներ հասցրեց։ [Դա եղավ] 1494 թ. օգոստոսի 6-ին։
- 1495 թ. սուրբ էջմիածնից որպես նվիրակ եկավ տեր Սիմեոնը. այդ տարի ժանտախտ եղավ, որի ժամանակ մահացան Շիմկոյի որդիները՝ Գրիգորը և Խաչկոն։
- 1497 թ. Օլբրեխտ թագավորը հաղթանակ տարավ Բուկովինայում, հոկտեմբերի 27-ին։
- 1498 թ. մայիսի 14-ին Մալկոշ բեյը²⁰ ժամանեց Լվով։
- 1499 թ. իշխան Ալեքսանդրի ժամանակ իշխան Կոնստանտինը գերեվարվեց Մոսկվայում, [բայց] 1507 թ. սեպտեմբերի 28-ին փախավ գերությունից²¹։
- 1499 թ. սուլթան Բայազիդը նվաճեց Լապոնտն ու Այնաբազը²²։ [Դա եղավ] սեպտեմբերի 4-ին։
- 1502 թ. վախճանվեց եպիսկոպոս տեր Խաչատուրը։
- 1504 թ. հունիսի 14-ին վախճանվեց Ստեֆանը։
- 1505 թ. Լվով ժամանեց Ղազար վարդապետը։
- 1505 թ. Ալեքսանդր թագավորը²³ Լվովի հայերին թույլ տվեց կնիք գործածել։
- 1507 թ. փետրվարի 6-ին Սիգիզմունդը դարձավ թագավոր։
- 1508 թ. էջմիածնից նվիրակ եկան տեր Հովհաննես եպիսկոպոսը, տեր Ստեփանոսը, տեր Սարգիսը, Դավիթ աբեղան. այնուհետև գնացին Ստամբուլ և [ճանապարհին] նահատակվեցին։
- 1509 թ. Սիգիզմունդ թագավորը հանձնեց վոյթի և... պարտականությունները Պիոտրկովում²⁴։
- 1509 թ. Բոգդանը²⁵ եկավ Լվով՝ վարդապառի տոնին, բարիկենդանի օրը։ Այդ տարի գրավվեց Ստամբուլի բերդը²⁶։
- 1510 թ. ներկվեց տեր Աստվածատուր եկեղեցու գմբեթը։
- 1510 թ. [սուրբ] Եղիայի օրը ուժեղ բամի վիշեց։
- 1511 թ. ուժեղ հրդեհ եղավ Ակքերմանում։ Պան Իվաչկոն՝ ընկերների և որդիների հետ միասին այրվեց։ Այդ տարի փետրվարի 2-ին, Սիգիզմունդ թագավորը ճաշկերույթ կազմակերպեց հունարեններից Յանիչը խլելու առթիվ։ Այդ տարի սուլթան Բայազիդը ... արեց։

- 1512 թ. թաթարները գրավեցին Վիշնյովեցը²⁷։
- 1512-ն էր, որ Կրեուսբուրգում հավաքվեցին կայսրը և 3 թագավորներ²⁸։
- 1513 թ. սուլթան Սելիմը հեռացավ Խավրիզից, իրենից հետո թողնելով մեծ ավերածություններ²⁹։
- 1513 թ. մոսկովյան իշխանը գրավեց Սմոլենսկը³⁰։
- 1513 թ. ժամանեց Ալեքսանդր թագավորի կինը։
- 1514 թ. Գրիգոր ... եսլիսկոպոսը և Հակոբ արևելյան նվիրակության եկան. այդ ժամանակ անասնաճարակ էր։
- 1515 թ. հոկտեմբերի 25-ին վախճանվեց թագուհին՝ Սիգիզմունդ թագավորի կինը։
- 1515 թ. տեր Գալուստը եպիսկոպոս դարձավ։
- 1516 թ. սուլթան Սելիմը գրավեց Եգիպտոսը, Երուսաղեմը, Հալեպը և Սիրիան³¹։
- 1517 թ. Սիգիզմունդ թագավորը [կրկին] ամուսնացավ և կինը նրան 1520-ին տղա ծնեց, որը թագաժառանգ դարձավ³²։
- 1518 թ. զլխատեցին Իվաշկոյին։
- 1518 թ. Սիգիզմունդ թագավորը մեզ՝ հայերիս, թուլյատրեց ունենալ դատարան, տեղեր քաղաքապետարանում և երդվյալ ատենակալներ³³։
- 1519 թ. լեհերը Սոկալի³⁴ մոտ պարտություն կրեցին։
- 1520 թ. Սուլեյմանը³⁵ դարձավ սուլթան։
- 1520 թ. Աղայի որդին լվով ժամանեց։
- 1521 թ. մեր եկեղեցին, ամրոցի հետ միասին, երկրորդ անգամ կառուցեցին։ Այդ տարի թուրքերը գրավեցին Բելգրադը։ Այդ տարի տեր Գրիգորին օրհնեցին քահանայության։ [Նա] մահացավ 1526 թ. հունիսի 21-ին։
- 1523 թ. հունվարին թուրքերը գրավեցին Հոռոսը։ Այդ տարի [եկեղեցու] խորանի մեծ պատկերը երկրորդ անգամ ոսկեջրվեց։
- Այդ տարի Տաշ օղլին եկավ և գրավեց Խոհատինը։
- Այդ տարի հունիսի 25-ին թուրքերը եկան լվով։
- Այդ տարի հուլիսի 26-ին կրկին եկան թաթարները և ս. Աբասի օրը³⁶ դահ նստեցրին պան Միկլաշին։
- Այդ տարի հունիսի 2-ին Սիգիզմունդ թագավորը եկավ լվով։
- 1524 թ. Շտեֆանը՝ Արքունիին իր յոթ որդիների հետ միասին զլխատեց։
- 1525 թ. պրուսացի Գիմսարը հավատարմության երգում տվեց Սիգիզմունդ թագավորին։
- Այդ տարի օգոստոսի 10-ին վարդապետ եկավ [Էջմիածնի՞ց]։
- 1526 թ. թուրքերը արշավեցին Հունգարիայի վրա, սպանեցին հունգարների թագավորին և ավերեցին Բուդան³⁷։
- 1526 թ. օգոստոս ամսին մորեխը հարձակվելով Վալախիայի վրա՝ մեծ վնաս հասցրեց բերքին։
- 1527 թ. ստարոստա Սեմիկրոցկին դարձավ Հունգարիայի թագավոր³⁸։
- 1527 թ. հունվարի 27-ին, կիրակի օրը, աստծո օգնությամբ իշխաններ Կոնստանտինը և Օստապը ջարդեցին թաթարներին, Կանեից 5 մղոն հեռավորության վրա տեղավորեցին 17000 [մարտիկներ] և բազմաթիվ մարդկանց աղատեցին։
- 1527 թ. կայսրը թնդանոթներից ուժակոծեց, գրավեց Հոռմը և գերեվալուրեր 5—7

րեց պապին ու նրա 14 կարդինալներին իրենց տներում: Դա մայիսի 7-ին էր³⁹, 1527 թ. հունվարին հոսպոդար Ռարեշը⁴⁰ դա՛հ բարձրացավ վալախյանում:

1527 թ. հունիսի 3-ին լվովում հրդհհ հղավ, շատ մարդիկ զոհվեցին:

Հունիսի 11-ին տեղի Մկրտիչ ավագերեցը հողին աստծուն ավանդեց: Այդ տարի թագավորը 20 տարվա ազատություն պարգևեց⁴¹:

1528 թ. մարտ ամսին Ստամբուլում երկրաշարժ եղավ, որը մեծ ավերածություններ առաջացրեց:

1528 թ. ապրիլի 25-ին Կրակովը հրդհհվեց, շատ զոհեր եղան: Թագավորը վիլնովում էր:

1529 թ. սեպտեմբեր ամսին վանքի շրջակայքը բարեկարգվեց:

1529 թ. մայիսի 24-ին սուլթան Սուլեյմանը դուրս եկավ էդիրնեից և գնաց Ֆերդինանդի վրա, որը գտնվում էր Վիեննայում: 17 օր անօգուտ զրոհեց [Վիեննան] տալով մեծ զոհեր, խայտառակ կերպով նահանջեց Դանուբի հոսանքով ներքև, ղխատեց Իբրահիմ փաշային և լքելով բոլոր յուրայիններին, ու դանձերը, ջրային ճանապարհով վերադարձավ իր երկիրը⁴²:

1529 թ. հուլիսի 8-ին վախճանվեց պան Ստանիսլավ Մարշալկոն և նրան փոխարինեց Լեզայրը:

1529 թ. հունիսի 17-ին տեղի նիկոլը եկավ լվով. օգոստոսի 2-ին Սլավ [Սուլեյման] սուլթանը⁴³ Օշակովի մոտ հաղթեց Յազովեցկուն: Լեհերից 420 հողի գերի ընկան:

1530 թ. թագավորի որդին՝ Օլբրիխտը, Վրիմ եկավ և դարձավ Վոլինի իշխան, ապրիլ ամսվա 8-րդ օրը:

1530 թ. մարտի 29-ին ժամը 11-ին արևի խավարում եղավ:

1530 թ. Կամենիցում ժանտախտ էր, որը սկսվել էր հուլիսին:

1530 թ. հունիսի 21-ին հրդհհվեց Վիլնո քաղաքը:

1530 թ. Տիշինսկիները սկսեցին կարգի բերել Տրաբովլեի բերդը: Այդ տարի Մոլդավիայի հոսպոդար Ռարեշը զավթեց Բիստրիցա քաղաքը:

1530 թ. օգոստոսի 1-ին վախճանվեց Կոնստանտին իշխանը⁴⁴, որը 66 անգամ բանակը տարել էր մարտի և հաղթող դուրս եկել:

1530 թ. դեկտեմբերի 1-ին եկավ վալախյացի Թարիշ բեյը և ...

Սուրբ ... օրը անընդհատ անձրև էր գալիս, հետո կիրակի օրը [բոլորը] զնում էին ... սրբապատկերներով, զենքով:

1532 թ. մայիսի 8-ին Կրակովում հրդհհ եղավ, որը մեծ վնաս հասցրեց բնակչությանը:

1532 թ. այդ տարվա հունիս ամսին լվովում ժանտախտ բռնկվեց, դադարեց հուլիսին. նախ և առաջ խոզերը սատկեցին. Մկրտիչ արեղան մահացավ սեպտեմբերի մեկին, Շմավոն-Հարպետը՝ 28-ին, տեղի Պետրոսը՝ 29-ին: Այդ տարի Լուբաշևում նույնպես զոհեր եղան:

1532 թ. դեկտեմբերի 21-ին նվիրակության ժամանեցին տեղի Ստեփանոս վարդապետն ու Լախսկոպոսը, 2 արեղաների հետ միասին, որոնցից մեկի անունը Վեոնդ էր, մյուսինը՝ Մաթևոս:

1532 թ. մարտի 23-ին շեխերի թագուհու պատճառով սուլթան Սուլեյմանը մեծ զորքով դուրս եկավ Ստամբուլից և հոկտեմբերին հետ վերադարձավ Վիեննայի պատերի տակից ջախջախված զորքով ու մեծ խայտառակությամբ:

1533 թ. շրերի մակարդակը բարձրացավ և այսպես ջրային կուտակումներում մեծ քանակությամբ բերր ոչնչացավ. ջրերում շատ մարդիկ զոհվեցին:

1533 թ. Սոկալում հրդեհ եղավ և շատ վաճառականներ վնաս կրեցին: Հուլիս ամսին կեսգիշերին պոչավոր աստղ երևաց:

1533 թ. հունվարի 1-ին վախճանվեց Կրակովի պան Քշիշտոֆ Շիդլովեցկին:

1534 թ. հունվարի 3-ին Ռարեշր դարձավ Վալախիայի հոսպոդար և հրամայեց ս. Մենդյան տոնի օրը ուժեղ ծեծել հայ քահանաներին:

1534 թ. մարտի 10-ին վախճանվեց Լվովի ստալոստան՝ Օթա Գալիցկին:

1534 թ. հունիսի 12-ին սուլթան Սուլեյմանը մեծ զորքով դուրս եկավ Ստամբուլից և արշավեց զրզրլուաշների դեմ, իսկ ծովով՝ 400 նավով մեծ զորք ուղարկեց:

1534 թ. հուլիսի 10-ին գետերի մակարդակը բարձրացավ: Վիսլան ողողեց շատ տներ, քանդվեց Կրակովի կամուրջը և շատ մարդիկ զոհվեցին, քաղմաթիվ հուշարձաններ ավերվեցին: Վիսլայի մակարդակն այնքան բարձրացավ, որ ողջ Շլյոնսկի մարզում բազում լճակներ գոյացան, իսկ բերքի պակասից Կրակովում սով սկսվեց:

Հոկտեմբեր ամսին մահացավ Կամենիցի ստարոստա Լանսկորինսկին, իսկ դեկտեմբերին՝ Կրակովի եպիսկոպոս Դոմիցկին:

1535 թ. օգոստոսի 8-ին թագավորը եկավ Կրակով և իր դստերն ամուսնացրեց մարկգրաֆ Յանի հետ: [Դա եղավ] օգոստոսի 29-ին:

1535 թ. հուլիսի 13-ին Վալախիայի հոսպոդար Ռարեշր հրդեհեց ողջ Պոկուտյեն՝ մինչև Հալիչ:

1535 թ. ս. Աստվածածին եկեղեցին վերակառուցեցին երկրորդ անգամ՝ վերևի մասը ... երկու կողմերից նոր մեծ ... սարքեցին, ներսում կարգ ու կանոն հաստատեցին, [դա] օգոստոսի 14-ին էր. և սպիտակեցրին, շուրջն էլ կառուցապատեցին:

1536 թ. հոկտեմբերի 18-ի օրն այլովեց Կրակովի բերդը և թագավորը Լիսվայից վերադարձավ նոյեմբերի 8-ին:

1536 թ. հուլիսի 25-ին Կամենիցում փոթորկալի քամի փչեց, որը քաղաքապետարանի շրջակայքում ավերեց 150 տուն:

1536 թ. հունվարի 3-ին վախճանվեց Կրակովցի պան Դինչինսկին: Անձավոժր ամուսնացավ Իշխան Մակովեցկու դստեր հետ: [Սա եղավ] փետրվարի 27-ին:

ՄԱՆՈՒԱԿՐՈՒԹՅՈՒՆՆԵՐ

1 Ս. Վոյցեխ (Աղաբերտ Պրագացի)՝ մոտ 955—997—չեխ եկեղեցական գործիչ, որը շատ բան արեց չեխերի, լեհերի, լուսաբանների մեջ տարածելու քրիստոնեական կրոնը: Սպանվել է պրուսացի ոմն հեթանոս թուրմի կողմից:

2. Կիլիկիայի Լևոն III Ռուբինյան թագավորը մահացել է 1269 թ. փետրվարի 6-ին:

3 Նոսթր Կիլիկիայի հայկական պատիթյան նախավերջին՝ Կոստանդին V թագավորի մասին է, որը զավազրարար սպանվեց 1373 թ.: Նրանից հետո, մինչև 1375 թ. թագավորեց Լևոն VI Կիլիկյան վերջին թագավորը:

4. Հեդինալը, Վալանարար, Եկատի ունի Սմոլենսկի Սվյատոսլավ Իվանովիչ Իլխանին (1358—1386):

5 Քաղաք լեհաստանի Նյուսիսում: Ժամանակին՝ Տևտոնյան օրդենի մայրաքաղաքը, որի մոտ տեղի ունեցավ ճակատամարտ օրդենի և լեհ-լիտվական զորքերի միջև:

6 լեհերի Վլադիսլավ III Վարնենշիկ (1434—1444) թագավորը, որը հետագայում դարձավ նաև հունգարների թագավոր, մի շարք խոշոր հաղթանակներ տարավ թուրքերի նկատմամբ և շատ ձեռնադրու պայմաններով 10 տարով հաշտություն կնքեց: Հետո, տեղի տալով պապական նվիրակ Ջուլիանո Ֆեզարինիի հորդորներին, խախտեց պայմանագիրը և վերսկսեց ռազմական գործողությունները սուլթան Մուրադ II-ի (1421—1451) զորքի դեմ, սակայն 1444 թ. Վառնայի տակ ջախջախիչ պարտություն կրեց և ինքն էլ զոհվեց մարտի դաշտում:

7 Կազիմիր (Կազիմեժ) IV Յագելլոնշիկ՝ լիտվայի մեծ իշխան (1440—1492) և լեհաստանի թագավոր (1447—1492):

8 Խոյնիցա քաղաքի մոտ տեղի ունեցած ճակատամարտում Տևտոնյան օրդենի զորքերը պարտության մատնեցին լեհերին:

9 Հեղինակը նկատի ունի Մոլդավիայի հոսպոդար Ստեֆան III Մեծին (1457—1504):

10 Քաղաք Բեսարաբիայում, Դանուբի գետաբերանի մոտ:

11 Սիգիզմունդ I Մեծ (1467—1548)՝ լեհական թագավոր և լիտվական մեծ իշխան 1505 թվականից:

12 Ճակատամարտը տեղի ունեցավ Վասուլյ քաղաքի մոտ: Թուրքական բանակը համարյա կրկնակի թվական գերակշռություն ուներ, բայց նրա պարտությունը կատուրյալ էր՝ շնորհիվ Ստեֆանի ռազմական տաղանդի:

13 Մեհմեդ II Ֆաթիհ (1451—1481):

14 Սուլթան Բայազիդ II (1481—1512):

15 Քաղաք Դենեստրի գետաբերանի մոտ. այժմ կոչվում է Բելգորոդ-Չենեստրովսկի և մտնում Ուկրաինական ՍՍՀ Օդեսայի մարզի մեջ:

16 Այժմ շրջանային կենտրոն Ուկրաինական ՍՍՀ Իվանո-Ֆրանկովսկի մարզում: Ստեֆանի մասին տե՛ս ծան. № 9:

17 լեհական գահի վրա Կազիմիրին (տե՛ս ծան. № 7) հաջորդել է Յան Օլբրեխտը (1492—1501):

18 Կազիմիր IV-ի մահից հետո լիտվայի մեծ իշխան դարձավ Ալեքսանդրը (1492—1506), որը 1501—1506 թթ. նաև լեհաստանի թագավորն էր:

19 Մեզ շահագործվեց պարզել, թե որ սրբի անունն է աղավաղվելով դարձել Աբաս:

20 Հեղինակը նկատի ունի բուլղարական Սիլիստրա քաղաքի փաշա Մալկոշ բեյին:

21 Սա տեղի է ունեցել ոչ թե 1499, այլ՝ 1500 թ., երբ Վենդրոշ գետի մոտ ուսուները ջախջախեցին լիտվական բանակը, գերեվարելով նրա հրամանատարին՝ իշխան Կոնստանտին Օստրոդոն:

22 Վենետիկի և Թուրքիայի միջև 1499—1502 թթ. տեղի ունեցած պատերազմը սկսվեց թուրքերի կողմից հունական լեպանտո (Նավպանտոս) քաղաքի գրավումով:

23 Տե՛ս ծան. № 18:

24 Սիգիզմունդի մասին տե՛ս ծան. № 11: Պիոտրկովը քաղաք է լեհաստանում՝ Վարշավայի և Կրակովի միջև:

25 Խոսքը, հավանաբար, Մոլդավիայի իշխան Բոգդանի (1504—1517) մասին է:

26 Հեղինակը, ըստ երևույթին, նկատի ունի քաղաքի ներսում տեղի ունեցած ռազմաթիվ ենիչերիական ապստամբություններից մեկը:

27 Քաղաք նախկին Վոլինում, այժմ՝ Ուկրաինական ՍՍՀ Տերնոպոլի մարզում:

28 Հեղինակը, հավանաբար, նկատի ունի Ֆրանսիայի դեմ կազմված Վերրազան լիգայի հավաքներից մեկը, որի անդամ էր նաև ռուսական սրբազան կայսրության կայսր Մաքսիմիլիան I-ը (1486—1515):

29 1513 թ. սուլթան Սելիմ I Ահմեդը (1512—1520) շիաների դեմ պայքարի նշանաբանով պատերազմ սկսեց սեֆյան Պարսկաստանի դեմ, ջախջախեց շահ Իսմայիլ I-ի բանակը և 1514 թ. գրավեց Սեֆյանների մայրաքաղաք Թավրիզը:

30 Հեղինակը նկատի ունի Մոսկովյան մեծ իշխան Վասիլի Իվանովիչի (1505—1533) կողմից Սմոլենսկի գրավումը և նրա միացումը Ռուսաստանին, որը տեղի ունեցավ 1514 թ.:

31 Սելիմ I Ահմեդը Նգիպտոսը գրավել է 1517 թ.: Մնացած փաստերը ճիշտ են:

32 լեհերի ապագա Սիգիզմունդ II Ավգուստ թագավորը և լիտվայի մեծ իշխանը (1548—1572): Մեկն է 1520 թ. օգոստոսի I-ին:

33 1519 թ. մարտի 5-ին Պիոտրկովյան սելամում ընդունվեց և լեհաստանի թագավոր Սի-

գիղմունդ I-ի կողմից հաստատվեց Մխիթար Կոչի աղատաստանագրքի հիման վրա ստեղծված «Լեհահայոց դատաստանագիրքը», որով ղեկավարվում էին լեհահայերի դատարանները:

34 Քաղաք Բուդ գետի վրա, Վոլվից հյուսիս:

35 Հեղինակը նկատի ունի սուլթան Սուլեյման I Օրենսդիրին (1520—1566), որի օրոք Օսմանյան կայսրությունը հասավ իր հզորության գագաթնակետին:

36 Տե՛ս ծան. № 19:

37 Խոսքը Մոխաչի հանրա՛ալտ ճակատամարտի մասին է, ուր թուրքերը չախչախեցին հունգարներին և գրավեցին նրանց մայրաքաղաք Բուդան: Մարտում սպանվեց հունգարների թաղավոր լայոշ II-ը (1516—1526):

38 Հեղինակը նկատի ունի սեմիգրադյան վոեվոդա Յանոշ Ջապուլային, որը 1526 (ոչ թե 1527)—1540 թթ. եղել է Հունգարիայի թագավոր:

39 Լեյստեղ խոսվում է աշոտմեական սրբազան կայսրության՝ կայսր Կարլոս V-ի (1519—1556) կողմից Հռոմի գրավման և Կլիմենտ VII պապի ու նրա կարդինալների գերեվարման մասին:

40 Հեղինակը նկատի ունի Ստեֆան III-ի (տե՛ս ծան. № 9) որդուն՝ Պյոտր Ռաբեշին, որը Մուղավիայի հոսպոդար է եղել 1527—1538 և 1541—1546 թթ.:

41 Հեղինակը, հավանաբար, նկատի ունի, այսպես կոչված, ալիտվական կանոնադրության (ստատուտ)՝ ընդունումը, որը, սակայն, տեղի է ունեցել 1529 թ.:

42 Իբրահիմ փաշան Սուլեյման I Օրենսդիրի մեծ վեզիրն էր. իր ձեռքում կենտրոնացնելով շատ մեծ իշխանություն, նա դրանով իսկ հարուցեց Սուլեյմանի ցասումը, որը նրան անհավատարմության մեջ կասկածելով՝ հրամայեց մահապատժի ենթարկել:

43 Տե՛ս ծան. № 35:

44 Կոնստանտինի մասին տե՛ս ծան. № 21: